



Inatsisartuni ilaasortaq  
Malene Vahl Rasmussen  
Demokraatit

## **Ineqarneq pillugu § 37 naapertorlugu apeqquteqaammut 155-2018-imut akissut**

02-08-2018  
Suliaq normu: 2018-14918  
Allakkiaq normu: 31974670

Asasara Malene Vahl Rasmussen

Inatsisartut suleriaasianni § 37 naapertorlugu apeqquteqaatinut nassiussannut qujanaq. Apeqqutit matuma kinguliani ataasiakkaarlugit allanneqarput, akissummillu malitseqarlutik .

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

### **Apeqqut 1.**

**Inissiaateqarnerup qanoq annertussusaat pisortanit pigineqarpa? Akissummi illoqarfiit immikkoortiternissaat piumasarineqarpoq.**

#### **Akissut:**

Maannarpiaq apeqqutip tamakkiisumik akissuteqarfigineqarnissaa ajornarpoq. Inissiat attartortittakkat pisortanit pigineqartut INI A/S-imiit, Iserit A/S-imiit, Illuut A/S-imiit inissianillu aqutsisuulersimasinnaasunit allanit aqunneqarput.

Naalakkersuisut paasissutissanut tunngavissanut programmimik, nuna tamakkerlugu inissianik illunillu nalunaarsuiffimmik ineriartortitsiviusussamik suliaqarput. Programmi naammasseriarpap ator neqaleriapallu apeqqut matuma siulianiittoq akineqarsinnaalissaaq.

INI A/S ilisimatitsivoq, inissiat attartortittakkat 8.648-t aqutaralugit – taakkulu inissiaapput Namminersorlutik Oqartussanit aamma kommuninit pigineqartut. Kiisalu Illuut A/S-ip Nuummi inissiat 800-t missaaniittut aqutarai. Assersuutigalugu Kommuneqarfik Sermersuup inissianut paasissutissaataannut paasissutissat pissarsiarinnaanngilagut.

### **Apeqqut 2.**

**Inissiaqarnerup namminersortunngorsarnissaa siunertaralugu, pisortat inissiaataasa ilaasa namminersortunit figuneqarnissaat Naalakkersuisunit pilersarusiorneqarsimava? Akissutip sukumiisumik tunngavilersornissaa piumasarineqarpoq kiisalu illoqarfinni sorlorni inissiaqarnerup annerusumik namminersortunngortinnissaanut periarfissat ajunngitsut isummorsorfiusimani piumasarineqarluni.**

#### **Akissut:**

Innuttaasut attartortuunissamut sanilliullugu inissianik imminnut pilersornissamik kissaateqartut tapersorsorneqarnissaat Naalakkersuisut naapertuuttut isumaqarfigaat. Tassalu teknikkimut atortulersuutit inissiallu pitsaassusia apeqqutaatillugit inissiamik

attartukkamik "attartortumiit piginnittumut" aqqissuussineq malillugu pisisinnaaneq periarfissaareerpoq.

**Apeqqu 3.**

**Inissiaqarnerup annerusumik namminersortunit tiguneqarnissaata pilersinneranut, Naalakkersuisunit suut iluaqutissatut isigineqarpat?**

**Akissut:**

Inissianut attartortittakkanut nalinginnaasunut utaqquisut allattorsimaffiata naannerulersinneqarsinnaanera tamatumani iluaqutissaavoq. Iluaqutissaq alla tassaavoq, piginnittut inissiamut najukkaminnut aserfallatsaaliorneqarneranullu akisussaaffeqarnerisa annertunerulernissaat.

**Apeqqu 4.**

**Inissiaqarnerup annerusumik namminersortunit tiguneqarnissaata pilersinneranut, Naalakkersuisunit suut akornutissatut isigineqarpat?**

**Akissut:**

Soqanngilaq.

**Apeqqu 5.**

**Inissiaqarnerup pisortanit pigineqartup ilaat namminersortunit tiguneqassagaluarpat Namminersortunit Oqartussat aningaasaqarnerannut suut sunniutaassappat, piffissaq qaninnerusoq ungasinnerusorlu eqqarsaatigalugu? Naatsorsuinerit illoqarfikaarlugit piareersarnissai piumasarineqarput, namminersortunngorsaanerimi aallaaviussaaq inissiaqarnerup pisortanit pigineqartup 10, 20 aamma 30 procentia.**

**Akissut:**

Inatsisartut suleriaasianni § 37, imm. 1-imi allassimavoq, ilaasortaq pisortat suliaasaqarfiinut tunngatillugu paasissutissanik pissarsinissaminik kissaateqaruni, tamanna Naalakkersuisunit apeqquteqarnikkut naammassineqarsinnaasoq. Aamma tassani allassimavoq, apeqqu naatsuussasoq ersarissumillu oqaasertaqassasoq, aammalu tunngavilersuummik ilaqartinneqassasoq.

Apeqqu 5 pisortat inissiaataasa 10, 20 aamma 30 procentii namminersortunit tiguneqassappata aningaasaqarnermut kingunerisassanik misissueqqissaarnissamik pisariaqartitsiviuvoq, tamannalu maannarpiaq akineqarsinnaanngilaq, aammattaaq apeqqu 1-imut akissut takuuk. Apeqqu 5 akineqassappat annertuumik misissueqqissaarnissaq pisariaqarpoq, misissuineq piffissaq manna tikillugu Naalakkersuisuniit aallartinneqanngitsoq. Taamaattumik Inatsisartut suleriaasianni § 37, imm. 2 naapertorlugu nalunaarutigissavara, Naalakkersuisut apeqqu akissuteqarfisinnaanngimmassuk.

**Apeqqu 6.**

**Inissiat attartukkat pisortanit pigineqartut qassi procentia inunnit, pisortanit arlaatigut tapissutisartunit, soorlu, SU, siusinaartumik pensionisiat, utoqqalinersiat imaluunniit assigisaat, inigineqarpat?**

**Akissut:**

INI A/S ilisimatitsivoq, inissiani INI A/S-imit aqunneqartuni attartortut ineqarnermut pisortaniit tapiiffigineqartartut agguagaanerat imatut isikkoqartut:

Kommuni	Attartortut pisortaniit tapiiffigineqartartut amerlassusii	Inissiat attartortittakkat katillugit	Attartortut pisortaniit tapiiffigineqartartut %-inngorlugit
Avannaata Kommunia	500	1.321	38
Kommune Qeqertalik	507	1.192	43
Qeqqata Kommunia	798	2.034	39
Kommuneqarfik Sermersooq	624	2.324	27
Kommune Kujalleq	598	1.382	43
Illoqarfinni illut/ Illut ilaqtariinnut ataatsinut inissiat	41	395	10
Katillugit	3.068	8.648	

Illuut A/S ilisimatitsivoq, taakkununga paasissutissat pissarsiarisinnaanagit.

#### Apequt 7.

#### **Pisamat soqutiginarsinnaasumik allamik Naalakkersuisut paasissutissiisnaappat?**

#### **Akissut:**

Ilisimatitsissutigisinnaavara, Namminersorlutik Oqartussat inissiaataasa kommuninut tunniunneqarnissaat naatsorsuutigineqarmat.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

  
Simon Simonsen